
Халқ депутатлари туман Кенгашининг олтмиш тўққизинчи сессиясида "Ташаббусли бюджет" лойиҳасининг II мавсумида ғолиб бўлган таклифларни молиялаштириш масаласи кўриб чиқилди

Халқ депутатлари Фурқат тумани Кенгашининг олтмиш тўққизинчи сессиясида туман Кенгаши депутатлари, туман ҳокими ўринбосарлари, тумандаги корхона ва ташкилотлар раҳбарлари, оммавий ахборот воситалари вакиллари иштирок этди.

Дастлаб, Фурқат туманида ҳудудларни ижтимоий-иқтисодий ривожлантириш бўйича секторлар, ҳудуддаги ташкилотлар раҳбарлари, ҳоким ёрдамчилари фаолияти ҳамда мурожаатлар билан ишлаш ҳолати юзасидан Халқ қабулхонаси мудир Р. Жўраевнинг ахбороти тингланди.

Шундан сўнг, тумандаги тижорат банклари томонидан дастурлар доирасида ажратилаётган кредитлар самарадорлигини таъминлаш, уларни сўндириш графигига мувофиқ белгиланган муддатларда қайтарилиши ҳамда муаммоли кредитларни ундириш бўйича амалга оширилаётган ишлар тўғрисида туман ҳокимининг биринчи ўринбосари М.Танибердиевнинг ахбороти тингланди.

Кун тартибидаги кейинги масала юзасидан туман иқтисодиёт ва молия бўлими бошлиғи С.Аҳмедовнинг жамоатчилик фикри асосида шакллантирилган тадбирларни танлаб олиш ва "Фуқаролар ташаббуси жамғармаси"дан мазкур тадбирларга маблағлар ажратиш тўғрисида таклифлари тингланди.

Сессия давомида музокара учун сўз олганлар кун тартибидаги масалалар юзасидан ўз фикр ва мулоҳазаларини билдириб ўтишди.

Сессияда кун тартибидаги барча масалалар юзасидан тегишли қарорлар қабул қилинди.

Халқ депутатлари Фурқат тумани Кенгашининг олтмиш тўққизинчи сессияси туман Кенгашинининг фейсбук ижтимоий саҳифаси орқали [жонли эфир](#)га узатиб борилди.

2023-10-11 08:22:47